

Räbeliechtlilieder – zum üben, singen und geniessen

I han es Räbeliechtli

I han es Räbeliechtli und has halt schüli gern.
Es lüchtet ja vil heller als wie de schönschti Stern.

Das Hus, dä Mond, die Sune, die hät mit Vatter gschnitzt.
Es Schiffli und e Fane und na mi Name zmitst.

Wänns tunkel wird, so zie-ni uf d Strass und singe: juhe!
Händ ir scho öppis Schöners als so-n-es Liechtli gse?

Und brännt dann s Cherzli abe und han-i müedi Bäi,
so gani mit mim Liechtli ganz lisli wider häi.



www.liedli.ch/liedli/i-han-es-raebieliechtli

Räbeliechtli, Räbeliechtli

Räbeliechtli, Räbeliechtli,
wo gasch hii?
I de dunkle Nacht,
ohni Stärneschii,
do mues mis Liechtli sii.

Räbeliechtli, Räbeliechtli,
wo bisch gsii?
Dur d'Strass duruuf
und s'Gässli ab,
gäll, Liechtli, lösch nid ab.

Räbeliechtli, Räbeliechtli,
wenn gohsh hei?
Wenn de Biiswind chunt
und mir s'Liechtli löscht,
denn goni wieder hei.



www.liedli.ch/liedli/raebieliechtli-raebieliechtli

Räbe, Räbeliechtli

Räbe, Räbeliechtli,
ischt das nüd e Pracht
lüchtischt hell wie d'Sterndli
dur die tunkel Nacht.

Räbe, Räbeliechtli,
i dim warme Schi
gömer ali fröli
s Gässli us und i.

Räbe, Räbeliechtli,
lösch eus ja nüd us,
tuen eus früntli zünde,
Häi na bis vors Hus.



www.liedli.ch/liedli/raebe-raebieliechtli

Ich gah mit miner Laterne

Ich gaa mit miner Laterne
und mini Laterne mit mir.
Am Himmel lüchtet d'Sterne,
da unde lüchtet miir.

De Güggel chräit
und d'Chatz miaut,
la bimmel, la bammel, la bum.



www.liedli.ch/liedli/i-ga-mit-miner-laterne

Schon beim Newsletter angemeldet?
www.elfternforum-embrach.ch/newsletter

